

# Pembangunan Alat Ukur Orientasi Seks Perlakuan Gay dan Lesbian

Roslee Ahmad, Salleh Amat, Mohd Isa Amat, Rezeki Perdani Sawai,  
Muhammad Khairi Mahyuddin, Ahmad Najaa' Mokhtar

Universiti Sains Islam Malaysia, Universiti Kebangsaan Malaysia,

---

## Abstrak

*Kajian ini bertujuan untuk membangunkan alat ukur trait orientasi seksual kecelaruan jantina Gay dan Lesbian. Model asas alat ukur ini adalah berdasarkan 7 Dimensi Orientasi Seksual Fritz Klein (1993). Kajian ini menggunakan reka bentuk kaedah kualitatif iaitu gabungan kajian kes dan analisis dokumen. Berdasarkan kajian kes, 8 orang responden Gay dan Lesbian dipilih secara bertujuan. Responden Gay dan Lesbian ditemu bual menggunakan teknik temu bual semi struktur. Manakala analisis dokumen pula menggunakan literature lepas, jurnal, artikel, dokumen bertulis dan soal selidik Sexual Deviant Behavior. Dapatan temu bual membentuk tema-tema dan digabungkan dengan dapatan analisis dokumen untuk membentuk alat ukur. Seterusnya alat ukur dibangunkan mengikut prosedur yang standard (Brown, 1983). Kesahan konstruk alat ukur diperolehi daripada 2 orang pakar bidang kaunseling untuk membentuk Alat Ukur Orientasi Seks Gay Roslee (ISGR) dan Alat Ukur Orientasi Seks Lesbian Roslee (ISLR). Trait inventori ISGR mengandungi 6 subkonstruk iaitu Instinct, Expression, Nurture, Gay Behaviour, Experience Sexual Deviant Behaviour dan Spiritual. Manakala trait ISLR mengandungi 5 subkonstruk iaitu Instinct, Nurture, Gay Behaviour, Experience Sexual Deviant Behaviour dan Spiritual. Ujian rintis alatukur ISGR mempunyai nilai kebolehpercayaan 0.67 manakala ISLR mempunyai nilai kebolehpercayaan 0.70. Mengikut Kerlinger (1979) dan Mohd Majid (1990) nilai kebolehpercayaan alpha Cronbach melebihi 0.6 adalah baik dan boleh diterima.*

Kata Kunci : Gay; Lesbian; Alat Ukur Orientasi Seks; Seks Sonsang; LGBT

---

## PENDAHULUAN

Kecelaruhan orientasi seksual merupakan ketidakselesaian berterusan oleh individu terhadap jantina mereka dan kemahuan untuk menjadi jantina sebaliknya (Vock, Stahn, Loenser dan Legenbauer (2009). Terminologi lain adalah kecelaruhan identiti gender atau *Gender Identiti Disorders* (Puteri Hayati dan Nurul Hadani, 2015). Individu yang mengalami kecelaruhan orientasi seksual ini akan mengalami rasa ketidaksesuaian dalam peranan biologi jantina dengan cara menghapuskan kriteria utama jantina mereka. Ini dilakukan dengan cara mengambil hormone atau pembedahan dengan tujuan untuk mengubah ciri fizikal supaya nampak maskulin atau feminin mengikut naluri diri (*American Psychiatric Association*, 2000).

Kajian ini merupakan kajian peringkat *preliminary* pembangunan alat ukur yang dilakukan secara empirikal berfokus untuk melihat tingkah laku seks songsang Gay dan Lesbian. Rentetan trend perubahan sosial yang melibatkan kes-kes perceraian dan kebimbangan HIV dan AIDS dan pembedahan alat kelamin yang meningkat kini di Malaysia, maka trend gejala sosial kini melibatkan seks songsang seperti Gay, Lesbian dan Transgender perlu diberi keutamaan. Kes LGBT menjadi keutamaan masyarakat dan pihak kerajaan apabila fenomena ini berlaku melibatkan pertentangan agama, nilai-nilai dan sosiobudaya masyarakat di Malaysia. Mereka sanggup melakukan apa saja walaupun sanggup memusnahkan diri seperti menjalinkan hubungan dengan rakan sejenis, menyediakan perkhidmatan seks dan menjalani pembedahan perubahan jantina. (Puteri Haryati dan Nurul Hadani, 2015). Menurut Asraf Wajdi (2016) dilaporkan lebih 90,000 pasangan bercerai berpunca LGBT. Justeru, usaha menangani masalah ini perlu diberi keutamaan dan diperluaskan di peringkat pencegahan di peringkat sekolah.

### **Tujuan Kajian**

- i. Membangunkan Alat ukur Orientasi Seksual yang mengukur trait-trait kecelaruan jantina Gay dan Lesbian

### **Objektif Kajian**

- i. Mengukur kebolehpercayaan alat ukur Orientasi Seks Gay Roslee (ISGR) dalam kalangan pelajar lelaki yang tinggal di sekolah berasrama.
- ii. Mengukur kebolehpercayaan alat ukur Orientasi Seks Lesbian Roslee (ISLR) dalam kalangan pelajar perempuan yang tinggal di sekolah berasrama.

### **Kepentingan Kajian**

Penularan kes-kes melibatkan LGBT melibatkan generasi muda amat membimbangkan. Banyak kajian-kajian lepas yang dilakukan penyelidik Barat berkaitan LGBT hanya berkisar cara hidup dan amalan seks selamat dalam kalangan pengamal LGBT dan kesan persepsi negatif komuniti terhadap anak-anak golongan LGBT. Namun, kajian untuk memahami simptom-simptom dan pencegahan LGBT tidak diberi penekanan. Justeru, pembangunan inventori yang berkaitan Gay dan Lesbian sangat penting dibangunkan dengan hasrat membantu ibu bapa, guru dan kaunselor mengenal pasti karakter atau ciri-ciri tingkah laku LGBT di kalangan kanak-kanak dan remaja berdasarkan pengesanan awal menerusi pemerhatian dan ujian inventori yang dilakukan terhadap mereka. Ini adalah kerana impak arus media dan teknologi masa kini, banyak memberi kesan negatif terhadap pembangunan sahsiah kanak-kanak dan remaja secara tidak langsung yang dipelajari daripada *computer mediated communication* dalam bentuk teks, imej, video yang dihantar menerusi telefon bimbit, e-mel dan mesej. (Lenhart, 2009)

### **Teori Kajian**

Asas model kajian ini adalah berdasarkan kepada Fritz Klein (1978) yang mengklasifikasikan 7 dimensi atau multidimensi grid dalam orientasi seksual manusia iaitu tarikan *sexual attraction*, *sexual behaviour*, *sexual fantasy*, *emotional preference*,

*social preference*, gaya hidup homoseksual atau heteroseksual, dan *self-identification*. Grid Klein mengkaji orientasi seksual pada masa lalu, masa kini dan pada masa depan berkaitan 7 faktor untuk sejumlah dua puluh satu nilai. *The Klein Sexual Orientation Grid* (KSOG) menggunakan nilai-nilai untuk menerangkan kontinum daripada bertentangan-seks untuk melihat kewujudan tret bagi seks sejenis.

*Sexual attraction* bermaksud tarikan seksual adalah keinginan seksual yang difikirkan seseorang individu untuk dijadikan pasangan. Rasa tertarik ini berbeza dengan pengalaman seksual. Individu yang tertarik pada jenis seksual tertentu ini tidaklah bermakna beliau pernah terlibat dengan tingkah laku seksual. *Sexual Behaviour* pula bermaksud tingkah laku seksual adalah perilaku seksual. Ia melibatkan pengalaman seksual yang tidak terbatas kepada hubungan intim dan yang meningkatkan dorongan seksual. *Sexual Fantasy* berkait dengan imaginasi seseorang yang bersifat erotik dan seksual. Fantasi seksual didefinisikan sebagai fikiran yang menyenangkan (*pleasure*) berkait aktiviti seksual. Fantasi seksual penting untuk meningkatkan dorongan seksual. *Emotional Preference* atau kecenderungan emosi berkaitan dengan kebebasan individu untuk memilih dan menjalinkan hubungan emosi yang kuat. Individu mempunyai pilihan dan bebas untuk menjalin kemesraan dan meluaskan ikatan persahabatan dengan siapa yang beliau suka dan selesa untuk menjalinkan hubungan. *Social Preference* atau kecenderungan sosial berkait dengan tempoh masa yang diambil seseorang individu sewaktu menjalinkan hubungan sosial. Hubungan sosial ini juga melibatkan sesama jantina atau jantina yang berbeza. Walaupun kesannya hampir sama dengan kecenderungan emosi, kecenderungan sosial menekankan dengan siapa dan kelompok individu untuk bersosialisasi. Gaya Hidup Heteroseksual atau Homoseksual Manusia adalah melibatkan budaya hidup tertentu yang diamalkan seorang individu dalam sesuatu kelompok. Ini bermaksud gaya hidup heteroseksual/homoseksual berkait dengan cara hidup individu tertentu yang memilih bersosial berdasarkan orientasi seksual dalam sesuatu kelompok. *Self Identification* atau Identifikasi Diri berkait penilaian terhadap orientasi seksual diri sendiri. Identifikasi individu atau refleksi diri ini sebenarnya memberikan impak yang besar kepada diri sendiri kerana di sinilah faktor yang mempengaruhi fikiran dan tingkah laku seseorang individu sama ada positif atau negatif.

## **Kajian Lepas**

Faktor masa silam mempunyai kaitan dengan tingkah laku LGBT kanak-kanak dan remaja masa kini. Kecelaruhan identiti gender bagi subjek berdasarkan orientasi peranan seksual masa kecil seperti bermain anak patung, masak memasak, dan berkawan dengan kanak-kanak perempuan dipercayai menyumbang kepada tingkah laku yang feminin dan sebaliknya. (Smith, Van Goozen, Kniper & Cohen Kettinis, 2005). Menurut Nor'Bayah dan Yahaya (2002), fenomena kanak-kanak sering bermain dengan perempuan semasa kecil adalah peristiwa yang menyumbang kepada kegagalan membina personaliti dan seterusnya memberi kesan kepada tingkah laku transeksual.

Kajian penyelidik lepas turut mendapati remaja yang terlibat dengan LGBT mempunyai risiko yang tinggi untuk terlibat dengan tingkah laku berisiko dan mempunyai masalah kesihatan mental berbanding remaja normal (Bell & Weinberg, 1978, Hetrcik & Martin, 1987) serta berisiko untuk terlibat dengan penyalahgunaan dadah dan alkohol (Ramafedi, 1991, Rotheramborus & rakan-rakan, 1995). Mereka juga dilihat mempunyai masalah sikap dan sebab itu mereka sering dipinggirkan oleh individu terdekat sehingga menghalang ke fungsian psiko logikal mereka. Kajian Gottman (2003) melihat pasangan Lesbian dan Gay mempunyai ekspresi emosi yang positif berbanding dengan pasangan heteroseksual dalam menyelesaikan sesuatu konflik kerana mereka mempunyai persefahaman yang tinggi. Mereka mendapat pemuasan dalam perhubungan dan kepuasan yang dicapai sama seperti pasangan heteroseksual. Carrington (1999) melihat perhubungan lesbian apabila mereka tinggal bersama di dalam rumah. Hasil kajian beliau mendapati tiga dapatan utama daripada perhubungan Lesbian iaitu wujud kerjasama yang rapat, keseimbangan ketika membahagikan kerja rumah dan membahagikan kerja mengikut kepakaran masing-masing. Kerjasama yang rapat antara mereka menyebabkan mereka lebih menghormati antara satu sama lain, dan saling bantu membantu antara satu sama lain serta mengurangkan konflik dalam perhubungan. Justeru, kerja rumah yang dilaksanakan semakin cekap apabila wujud spesifikasi tugas antara mereka.

Faktor kurang kasih sayang juga menyumbang kepada masalah Lesbian (Schumm, 2010). Kekurangan komunikasi antara anak dengan ibu bapa menyebabkan mereka mencari perhatian di luar untuk mencari kasih sayang dan perhatian melalui hubungan rapat dengan rakan sejenis. Frisch (2006) melihat kurang kasih sayang dan perhatian sejak zaman kanak-kanak menyebabkan remaja perempuan mula menjauhkan diri daripada ibu bapa dan mengalih kasih sayang dengan mencari rakan sebaya yang rapat hubungan dengan mereka. Ini adalah kerana rakan sebaya perempuan lebih memahami diri mereka, sedang berbincang, bertukar tukar hal peribadi dan yang paling penting adalah bersama apabila menghadapi konflik peribadi. Simari dan Baskin (1982) pengalaman lepas seorang wanita yang pernah ditipu dan diambil kesempatan oleh teman lelaki turut menyumbang kepada wujudnya perasaan negatif kepada lelaki. Justeru, ini mengakibatkan sikap, kepercayaan dan rasa kasih sayang beralih kepada teman perempuan. Ini ditambah dengan sikap pasangan perempuan yang mengambil berat, memahami dan suka membantu menjadikan pasangan perempuan tadi lebih menaruh harapan dan mempercayai teman perempuan berbanding lelaki. Kajian ini pula membangunkan alat ukur tret tingkah laku Gay dan Lesbian di kalangan remaja sekolah berasrama.

## **Definisi Operasi**

### **Orientasi Seks**

*American Psychological Association* (2008) mendefinisikan orientasi seksual sebagai “*an enduring pattern of emotional, romantic, and/or sexual attractions to men, women, or both sexes.*” Orientasi seksual adalah hubungan seseorang yang memiliki unsur perasaan dan bertingkah laku terhadap orang lain menerusi tingkah laku berciuman dan berpegangan tangan. Kesan hubungan yang mesra dan intim ini dapat mengeratkan hubungan dan memenuhi keperluan cinta. Di samping itu, ekspresi orientasi seksual juga melibatkan kesan tingkah laku tanpa seks antara pasangan seperti meningkatkan nilai-nilai dan matlamat pasangan, keinginan untuk saling memahami dan komitmen dalam kehidupan.

## **Perlakuan Gay**

Mengikut Hogan dan Hudson (1998) Gay adalah istilah yang terutamanya merujuk kepada seseorang homoseksual atau sifat menjadi homoseksual. Istilah ini pada asalnya digunakan untuk bermaksud "riang", "gembira", atau "terang dan menonjol".

## **Perlakuan Lesbian**

Sears (20025) mentakrifkan Lesbian adalah istilah bagi perempuan yang mengarahkan orientasi seksualnya kepada sesama perempuan. Istilah ini juga merujuk kepada perempuan yang mencintai perempuan baik secara fizikal, seksual, emosional, atau secara spiritual. Istilah ini dapat digunakan sebagai kata benda jika merujuk pada perempuan yang menyukai sesama jenis, atau sebagai kata sifat apabila bermakna ciri objek atau aktiviti yang terkait dengan hubungan sesama jenis antara perempuan.

## **Batasan Kajian**

Kajian ini terbatas kegunaan hanya mengukur orientasi seksual Gay dan Lesbian sahaja dan tidak berkait kecelaruan gender yang lain. Justeru itu, inventori ini tidak boleh digeneralisasikan untuk kecelaruan jantina untuk jenis parafilias yang lain termasuklah biseksual, transgender, queer, pedofilia, fetisyisme dan sebagainya. Pengukuran jenis parafilias tingkah laku seksual yang lain perlu dibangunkan untuk mengukur tret dan personaliti parafilias mengikut kecenderungan seksual dan penyelidikan berdasarkan kaedah yang sama dilaksanakan penyelidik.

## **METODOLOGI**

Reka bentuk kajian ini berdasarkan kaedah kualitatif iaitu gabungan kajian kes dan analisis dokumen. Berdasarkan kajian kualitatif, 8 orang responden Gay dan 8 orang responden. Lesbian ditemu bual menggunakan teknik temu bual semi struktur. Manakala analisis dokumen pula menggunakan literatur lepas, jurnal, artikel, dokumen bertulis dan soal selidik *sexual deviant behavior*. Dapatan temu bual

membentuk tema-tema dan digabungkan dengan dapatan analisis dokumen untuk membentuk alat ukur. (Yin, 2008, Silverman, 2013)

Penyelidik telah mendapatkan maklumat berkaitan dengan LGBT dan untuk menemui mereka dengan nasihat *Association of LGBT Rainbow*, responden memberi nama, lokasi dan pekerjaan golongan Gay dan Lesbian. Premis tempat kerja mereka dikenal pasti seperti premis pengantin, kedai gunting rambut, kedai urut, dan kedai tukang jahit baju. Tempoh masa selama 4 tahun (2012-2016) telah diambil untuk memilih hanya responden yang memiliki karakter sebagai Gay dan Lesbian dipilih sebagai responden. Sepanjang tempoh itu, penyelidik telah mengumpulkan seramai 30 orang golongan LGBT dan untuk memenuhi tujuan kajian ini, hanya Gay dan Lesbian sahaja dicerap dan dipantau segala tingkah laku mereka. Justeru, 8 orang Gay dan 8 orang Lesbian telah dirakam temu bual bagi membentuk tema-tema kajian.

Seterusnya, dapatan temu bual ini digabungkan dengan literatur lepas, jurnal, artikel, dokumen bertulis dan soal selidik *sexual deviant behavior*. Antara soal selidik *sexual deviant behavior* yang dirujuk dan melalui disesuaikan konstruk adalah seperti *Instrument Gender Stratification in the Lesbian and Gay Band Association* (M. W. Hudson, dan rakan-rakan, 2014), *Fenway Health Patient Survey on Asking Sexual Orientation and Gender Identity Questions* (Robbie Singgal and Harvey Makadon, 2013), dan *Lesbian, Gay and Bisexual Identity Scale* (Mohr, J and Kendra, M. S, 2011). Berdasarkan *Instrument Gender Stratification in the Lesbian and Gay Band Association* (M. W. Hudson, dan rakan-rakan, 2014) dan *Fenway Health Patient Survey on Asking Sexual Orientation and Gender Identity Questions* dan *Fenway Health Patient Survey on Asking Sexual Orientation and Gender Identity Questions* (Robbie Singgal and Harvey Makadon, 2013), penyelidik mengenal pasti trait dan pola personaliti Gay manakala bagi *Lesbian, Gay and Bisexual Identity Scale* (Mohr, J and Kendra, M. S, 2011).

## **Pembangunan Inventori Orientasi Seksual Gay Roslee (ISGR) dan Inventori Orientasi Seksual Lesbian Roslee (IPLR)**

*Inventori Orientasi Seksual Gay Roslee (ISGR)* ini mengandungi 70 item yang direka sendiri penyelidik manakala *Inventori Orientasi Seksual Lesbian Roslee (IPLR)* pula mengandungi 60 item yang direka sendiri penyelidik yang disesuaikan daripada *Instrument Gender Stratification in the Lesbian and Gay Band Association* (M. W. Hudson, dan rakan-rakan, 2014), *Fenway Health Patient Survey on Asking Sexual Orientation and Gender Identity Questions* (Robbie Singgal and Harvey Makadon, 2013), dan *Lesbian, Gay and Bisexual Identity Scale* (Mohr, J and Kendra, M. S, 2011). Berdasarkan *Instrument Gender Stratification in the Lesbian and Gay Band Association* (M. W. Hudson, dan rakan-rakan, 2014) dan *Sexual Orientation and Gender Identity Questions* dan *Fenway Health Patient Survey*, penyelidik mengenal pasti trait dan pola personality Gay manakala bagi *Lesbian, Gay and Bisexual Identity Scale* (Mohr, J and Kendra, M. S, 2011) penyelidik mengambil 2 item dari subkonstruk *Concealment Motivation*.

Penyelidik turut merujuk kepada fokus utama pembangunan inventori ini adalah untuk mengukur perlakuan seks songsang yang berkait dengan tingkah laku Gay dan Lesbian. Oleh kerana fokus pembangunan alat ukur adalah untuk mengenal pasti dan mengesan simptom tingkah laku seks songsang, maka pembinaan item mengambil kira konteks budaya tempatan dan konteks ajaran Islam. Untuk mengukur tingkah laku seks songsang Gay, beberapa subkonstruk dibina berdasarkan pengamatan penyelidik berdasarkan aspek personaliti, *instinct* (naluri), *expression* (gaya penampilan), *nurture* (didikan keluarga), *Gay Behaviour* (tingkah laku Gay), *deviant sexual experience* (pengalaman seks songsang) dan spiritual (kerohanian). Manakala untuk mengukur tingkah laku seks songsang Lesbian pula, penyelidik fokus kepada beberapa subkonstruk dibina berdasarkan pengamatan penyelidik berdasarkan aspek personaliti, *instinct* (naluri), *nurture* (didikan keluarga), *Lesbian Behaviour* (tingkah laku Lesbian), *deviant sexual experience* (pengalaman seks songsang) dan spiritual (kerohanian).

## **Responden Kajian**

Responden kajian adalah di kalangan golongan Lesbian dan Gay yang berumur antara 19 hingga 45 tahun. Semua responden tinggal di Johor Bahru, berbangsa Melayu dan bekerja. Penyelidik telah mengenal pasti Persatuan Pelangi Johor Bahru yang mempunyai perkaitan dengan ahli ahli LGBT. Dengan bantuan maklumat, penyelidik telah mengenal pasti pergi responden yang bekerja sebagai juru andam solek pengantin, penggunting rambut salon wanita, tukang urut biseksual, dan tukang jahit baju yang bekerja pada waktu siang. Terdapat juga responden yang bekerja sebagai pelayan di kelab malam. Di samping itu, ada di kalangan mereka bekerja secara profesional sebagai eksekutif, guru dan jurutera. Seramai 8 orang responden Lesbian dan Gay di temu bual di lokasi yang berbeza seperti di restoran makanan segera, kantin, dan taman awam. (Yin, 2008). Untuk mendapatkan maklumat tambahan, penyelidik turut merakamkan temu bual dan dokumen daripada seorang responden yang sering berulang alik dari Johor Bahru ke *Blue Boy Club*, Bukit Bintang, Kuala Lumpur. Ini adalah kerana di situlah tempat pertemuan dan hiburan bagi golongan LGBT berhibur pada hari Sabtu dan Ahad.


## **Tatacara Kajian**

Untuk membangunkan alat ukur ini proses pembentukan telah melalui proses pembentukan alat ukur yang disyorkan Brown (1983) dengan menetapkan definisi dan operasi alat ukur, membangunkan item-item yang berkualiti berdasarkan tema-tema yang diperolehi dari kajian kualitatif, melalui proses kesahan dan kebolehpercayaan dan *Back to Back Translation* terhadap sesetengah perkataan dan tingkah laku berkait agama, budaya dan norma masyarakat tempatan. (Brislin, 1969)

Untuk memperoleh trait dan kandungan kriteria, penyelidik menggunakan dapatan kualitatif secara kajian kes dan berserta dengan dokumen kajian. Kajian kes bagi dapatan 8 responden dianalisis secara manual. Analisis dokumen dan artikel juga dianalisis secara manual bagi memperoleh tema-tema yang dikehendaki penyelidik. (Silverman, 2013). Gabungan data-data kajian kes, dokumen berserta rujukan beberapa inventori seksual Gay dan Lesbian telah dijadikan rujukan dan panduan

untuk membangunkan alat ukur orientasi seks gender dan Lesbian. (Rujuk Carta Alir 1: Aliran Proses Pembentukan Alat Ukur Betsy, Gable dan Madura, 2013). Seterusnya, selepas melalui proses *Back to back translation* dan mengambil kira faktor agama dan sosiobudaya tempatan, penyelidik membangunkan alat ukur Orientasi Seks Gay dan Lesbian.

**Carta Alir 1: Aliran Proses Pembentukan Alat Ukur (Betsy, Gable and Madura, 2013)**



### **Analisis Kajian**

Alat ukur yang dikenali sebagai alat ukur Orientasi Seks Gay dan Lesbian melalui kajian rintis dan kelompok rintis telah dianalisis menggunakan SPSS versi 19 untuk melihat ujian inferensi. Analisis ujian inferensi dilakukan untuk melihat nilai kebolehpercayaan konstruk item dengan menggunakan analisis *Reliability*.

## **DAPATAN KAJIAN, KEPUTUSAN DAN PERBINCANGAN**

### **Dapatan Inferensi (Kuantitatif)**

Untuk memperoleh analisis item yang paling mudah, program *Reliability* boleh digunakan (Sidek, 1995). Berdasarkan kajian rintis terhadap 72 orang pelajar lelaki dan 82 pelajar perempuan didapati nilai *alpha Cronbach* bagi semua konstruk Orientasi Seks Gay berkenaan ialah 0.67 manakala bagi Oreintasi Seks Lesbian pelajar perempuan pula memperoleh 0.70. Bagi subkonstruk ISGR didapati nilai *Instinct* ialah 0.61, *Expression* ialah 0.62, *Nurture* ialah 0.62, *Gay Behaviour* ialah 0.71, *Experience* ialah 0.67, *Spiritual* ialah 0.783 Nilai semua subkonstruk adalah 0.76 yang melebihi 0.6, dan mengikut Majid (1990) dan Kerlinger (1970) nilai yang melebihi 0.6 menunjukkan item yang baik dan boleh diterima dalam kajian. Manakala kajian rintis 82 orang pelajar perempuan bagi mengukur ISLR mempunyai nilai subkonstruk berkenaan adalah bagi subkonstruk *Instinct* ialah 0.67, *Nurture* ialah 0.72, *Lesbian Behaviour* ialah 0.76, *Experience* ialah 0.66, *Spiritual* ialah 0.71. Nilai semua subkonstruk adalah 0.75 yang melebihi 0.6, dan mengikut Majid (1990) dan Kerlinger (1970) nilai yang melebihi 0.6 menunjukkan item yang jitu dan baik.

**Nilai Kebolehpercayaan Alat Ukur Orientasi Seksual Gay Roslee (ISGR)****Alat Ukur Orientasi Seksual Gay Roslee (ISGR)**

<b>Subkonstruk</b>	<b>Item</b>	<b>Bil Item</b>	<b>Nilai <i>alpha Cronbach</i></b>
<i>Instinct</i>	1-14	14	0.61
<i>Expression</i>	15-26	12	0.62
<i>Nurture</i>	27-34	8	0.62
<i>Gay Behaviour</i>	35-53	19	0.71
<i>Experience</i>	54-64	11	0.67
<i>Spiritual</i>	65-70	6	0.83
Nilai keseluruhan		70	0.67

**Nilai Kebolehpercayaan Alat ukur Orientasi Seksual Lesbian Roslee (ISLR)****Alat Ukur Orientasi Seksual Perlakuan Lesbian Roslee (ISLR)**

<b>Subkonstruk</b>	<b>Item</b>	<b>Bil Item</b>	<b>Nilai <i>alpha Cronbach</i></b>
<i>Instinct</i>	1-20	20	0.67
<i>Nurture</i>	21-28	8	0.72
<i>Lesbian Behaviour</i>	29-42	14	0.76
<i>Experience</i>	43-55	13	0.66
<i>Spiritual</i>	56-60	5	0.71
Nilai keseluruhan			0.70

Secara asas, pembangunan alat ukur ini telah melalui prosedur pembangunan alat ukur yang standard (Sidek, 1995). Gabungan kajian kualitatif iaitu kajian kes dan dokumen bertulis serta literatur lepas dijadikan sandaran untuk membangunkan alat ukur kajian. Alat ukur juga melalui proses kesahan muka dan kesahan konstruk dari pakar bidang kaunseling untuk melihat definisi dan terminologi kajian seterusnya turut melalui proses *back to back translation*. Selepas mengalami ujian rintis sebanyak dua kali pada persampelan yang dikenal pasti mempunyai ciri-ciri Gay dan Lesbian, maka penyelidik telah mengenal pasti ciri-ciri dan karekter kecelaruan jantina bagi Gay dan Lesbian tersebut.

Kajian ini selaras dengan kajian Christi dan rakan rakan (2015) menjalankan kajian persepsi penilaian latihan *Affirmative Terapi* (ATIF) di kalangan rakan-rakan di Fakulti terhadap tahap penerimaan di kalangan LGB . Ini adalah kerana pada masa

kini terdapat pengamal *Couple and Family Therapy* (CFT) tidak pernah menerima sebarang latihan *affirmative* program sedangkan mereka banyak berurusan dengan golongan LGB berkait urusan kerjaya mereka. Keperluan CFT adalah untuk menyediakan untuk bekerja dengan golongan LGB yang amat memerlukan perkhidmatan terapi dua hingga empat kali semasa pertemuan. Latihan ini juga dapat memberi kefahaman kecekapan kepada golongan LGB. Keputusan kajian ini menyokong kekurangan LGB dalam latihan *Affirmative* Terapi khususnya dalam pengajaran, program dan pengalaman. Dapatan yang diperoleh penyelidik selaras dengan kajian Christi dan rakan rakan (2015) kerana untuk memahami karakter LGBT seseorang perlu memahami ekologi dan persekitaran mereka dan ini hanya boleh diterima menerusi pengalaman bercampur gaul dengan mereka menerusi aktiviti hidup bermasyarakat.

Kajian penyelidik juga selaras dengan dapatan Swann dan rakan rakan (2016) menjalankan kajian kebolehpercayaan inventori seksual orientasi mikroagresi di kalangan dua kelompok remaja LGBTQ. Kajian *Teori Race* mendapati mikroagresi merupakan suatu yang biasa dalam masyarakat tanpa mengira bangsa. Teori mikroagresi diambil daripada komuniti LGBTQ. Kajian ini menemui tiga faktor taksonomi yang berkait dengan kelompok remaja LGBTQ yang menggunakan inventori seksual orientasi mikroagresi (SOMI). Analisis faktor analisis digunakan untuk menentukan keputusan kepada 206 kelompok sampel remaja LGBTQ. Analisis kebolehpercayaan mendapati majoriti varians dikira dalam semua semua faktor. Keputusan ini merupakan peramal yang signifikan untuk mengenal pasti depresi simptom yang berkait dengan faktor konvergen, faktor kriteria dan kesahan. Justeru, SOMI merupakan skala yang signifikan untuk mengukur kepelbagaian sampel remaja LGBTQ.

Kajian penyelidik juga selaras dengan Nasrudin dan rakan rakan (2014) menjalankan pengaruh homofobia perkahwinan di kalangan Gay. Kajian ini bertujuan untuk melihat perasaan negatif sama ada untuk berkahwin dengan perempuan atau tidak. Seramai 29 responden terlibat dalam kajian menerusi laman sosial *facebook*,

e-mel, dan kampus UKM, Bangi. Keputusan mendapati alasan lelaki Gay berkahwin untuk mendapat zuriat (51.72%), kesedaran merubah identiti seksual (31%), desakan keluarga (24%), dan damba cinta wanita (24%). Manakala alasan mereka tidak mahu berkahwin dengan perempuan kerana faktor tidak yakin (20%), risau tidak mampu cinta perempuan (17.24%), tidak mahu mengecewakan perempuan (19.34%) dan sukar mendapat jodoh (10.34%). Kajian ini juga mendapati golongan Gay perlukan sokongan sosial yang padu untuk mengurangkan diskriminasi dan homofobia daripada masyarakat. Dapatan penyelidik mendapati bahawa kelompok LGBT mempunyai naluri yang sensitif selaras dengan kajian Nasrudin dan rakan rakan (2014) dan karakter ini diletakkan sebagai sub item dalam *Instict, Gay Behavior dan Lesbian Behaviour*. Mereka mempunyai perasaan yang amat halus, sensitif dan mudah terguris hati dengan teguran ibu bapa dan orang awam dan lantaran itu, mereka lebih sesuai bersosial dan berkomunikasi dengan kelompok mereka yang lebih mudah menerima, faham memahami, bertolak ansur dan hormat menghormati Antara satu sama lain dalam semua aktiviti, kehidupan, kerjaya dan masa depan hidup.

Kajian penyelidik juga menyokong dapatan Puteri Hayati dan Nurul Hudani (2015) mengkaji latar belakang, faktor pengekalan dan pandangan terhadap mahasiswa lelaki kecelaruan identiti gender yang sedang menuntut di institusi pengajian tinggi awam dan swasta di Kota Kinabalu, Sabah. Kajian ini dilakukan secara kualitatif menerusi temu duga berstruktur melibatkan 9 subjek lelaki berdasarkan penampilan fizikal mereka. Dapatan kajian dianalisis dan dikelompokkan kepada tema pemahaman latar belakang, fokus penampilan, hubungan interpersonal, ciri teman istimewa dan alasan mengekalkan tingkah laku penampilan dan pandangan mengenai tingkah laku, perasaan terhadap pandangan masyarakat, alasan memilih gaya hidup, pandangan terhadap diri dan kehidupan sekarang. Dapatan kajian mendapati semua subjek sedar tingkah laku tersebut tidak disukai oleh ibu bapa, dan sebab itu mereka menyembunyikan tingkah laku tersebut daripada pengetahuan ibu bapa.

## RUMUSAN DAN CADANGAN

Kajian ini dapat mengenal pasti dan membentuk pola-pola trait Gay dan Lesbian berdasarkan persampelan bertujuan yang dikenal pasti. Berdasarkan kajian lepas, terdapat beberapa persamaan trait tingkah laku Gay dan Lesbian seperti sensitif, anti sosial, mesra dengan kelompok tertentu, naluri feminin atau maskulin, dan sebagainya. Namun begitu, pembangunan alat ukur LGBT di Barat dilihat kurang dibangunkan disebabkan tingkah laku LGBT di Amerika Syarikat, Eropah, United Kingdom, Australia, New Zealand, dan negara Korea, Jepun dan Thailand sebahagian besar telah diterima dalam sosiobudaya dan perlembagaan (perkahwinan sejenis) negara berkenaan. Justeru, persoalan adalah tidak timbul pendekatan pencegahan tingkah laku LGBT di kalangan kanak-kanak dan remaja di negara berkenaan berbanding di negara yang mengamalkan ajaran Islam seperti Malaysia, Indonesia dan Brunei.

Pembangunan alat ukur ini perlu diperluaskan kegunaan kepada persampelan yang lebih besar seperti di Sekolah Berasrama Penuh (SBP) bagi melihat konsistensi item yang lebih baik dan tekal. Justeru, adalah diharapkan pihak Kementerian Pendidikan Malaysia dapat membantu memberikan kerjasama kepada usaha penyelidik seterusnya untuk membangunkan alat ukur orientasi seksual Lesbian dan Gay dengan hasrat mengenal pasti dan mengesan simptom-simptom tingkah laku Lesbian dan Gay kepada kanak-kanak dan remaja di sekolah dengan lebih awal. Kajian juga harus memberi fokus ke Sekolah Berasrama melibatkan sekolah jenis agama kerana banyak kajian kes menunjukkan amalan dan budaya seks songsang seperti perlakuan Gay bermula di kalangan pelajar sekolah aliran Arab dan agama. Justeru bagi menghasilkan kajian secara komprehensif, maka responden yang besar daripada persampelan pelajar sekolah aliran agama boleh dilakukan melibatkan kajian empirikal.

## RUJUKAN

- American Psychiatric Association (2000). *Diagnostic and Statistical Manual of Mental disorders* (4<sup>th</sup> ed). Washington.
- Asraf Wajdi Dusuki. (2016). LGBT antara punca lebih 90,000 pasangan bercerai. Malay Mail Online. 4 Mac 2016.
- Bell, AP.& Weinberg, MS (1978). *Homosexualities: A study of diversity among Man and Women*. New York: Simon and Schuster.
- Brislin, R. Back-translation for cross-cultural research. (Doctoral dissertation: The Pennsylvania State University), Ann Arbor, Michigan: University Microfilms, 1969, No. 70-13, 803.
- Brown, FG. (1983). *Principles of Educational and Psychological Testing*. New York: Rinehart & Winston.
- Creswell, John and Clark Plano. (2010). *Designing and Conducting Mixed Methods Research*. SAGE Publications, Inc; 2nd ed. Edition. United States.
- D. Betsy McCoash, Robert K Gable, and John P. Madura. (2013). *Review of The Steps for Designing and Instrument*. New York : Publisher Springer.
- David Silverman. (2013). *Doing Qualitative Research. A Practical Handbook*. 4<sup>th</sup> edition. United States. Sage Publications.
- Dean Harmer and Peter Copeland. (1995). *The Science of Desire: The Search for the Gay Gene and the Biology of Behavior*. New York : Simon and Schuster.
- Klein, Fritz. (1993). *The Bisexual Option*. The Haworth Press. page. 19. ISBN 1-56024-380-5.
- Frisch, M. A, (2006). *Childhood family correlates of heterosexual and homosexual marriages: a national cohort of two million Danes*". Arch Sex Behaviour, 35 (5), 533-547.
- James T. Sears. (2005). *Youth, Education, and Sexualities : An International Encyclopedia*. Westport, Conn. Greenwood Press

- Joseph Nicolosi. (1991). *Reparative Therapy of Male Homosexuality: A New Clinical Approach*. Rowman and Littlefield Publishers. United Kingdom.
- Kerlinger, F, (1970). *Foundation of Behaviour Research*. Holt Rinehart and Winston Inc.
- Lenhart, A. 2009. Overview: Teens and sexting : How and why minor teens are sending sexually suggestive nude or nearly nude images via text messaging. Pew internet and American life project. Di akses daripada [http :www.pewinternet.org/media/files/reports/2009/PIP\\_Teens and Sexting.pdf](http://www.pewinternet.org/media/files/reports/2009/PIP_Teens_and_Sexting.pdf).pada 17 November 2017.
- Majid Konting. (1990). *Kaedah Penyelidikan Pendidikan*. Dewan Bahasa dan Pustaka. Kuala Lumpur.
- Michael W. Hudson, John O Egger and Ann M Harrington. "Instrument Gender Stratification in the Lesbian and Gay Band Association" *National Association for Music Education Music Research and Teacher Education National Conference* 2014.
- Mohr, J. J & Kendra, M.S. (2011). Revision and extension of a multi dimensional measure of sexual minority identity. The Lesbian, Gay and Bisexual Identity Scale. *Journal of Counseling Psychology*, 58, 234-45.
- Morse, Janice and Linda Niehaus. (2009). *Mixed method design : Principles and procedures*. Left Coast Press : Pennsylvania State University.
- Nasrudin Subhi, Mohd Radzi Tarmizi A Halim, Ezarina Zakaria dan Salina Nen (2014). Pengaruh Homofobia dalaman terhadap Perkahwinan Lekaki Gay. *Jurnal Psikologi Malaysia* 28 (2) ms 18-38.
- Nor Ba'iyah Abdul Kadir dan Yahaya Mahmood. (2002).Pembangunan Loose personality dan gangguan seksual di kalangan pelajar transeksual: temubual personal dan kumpulan fokus. *Kertas kerja yang dibentangkan dalam seminar transeksualiti di institusi pengajian tinggi Century Mahkota Hotel Melaka*.
- Puteri Hayati Megat Ahmad dan Nurul Hudani Md Nawi. (2015). Latar belakang, Faktor Pengekalan dan Pandangan Terhadap Tingkah laku Mahasiswa Lelaki Kecelaruan Identiti Gender. *Journal Southeast Asia Psychology* Vol. 1. Malay. Diakses daripada <http://www.cseap.edu.my/sapj>. pada 17 November 2017.

- Remafedi, G Farrow, JA & Deisher, RW.1991. *Risk factor of attempted suicide in Gay and bisexual youth paediatrics*. 87, page 869-875.
- Schumm, W. R. (2010). Children of homosexuals more apt to be homosexuals? A reply to Morrison and to Cameron based on an examination of multiple sources of data. *Journal of Biosocial Science*, 72, 721-742.
- Sidek Mohd Noah. (1995). *Pengujian dan Penilaian dalam Kaunseling*. Penerbit UPM. Serdang.
- Simari, C dan Baskin, D. (1982). Incestuous experiences within homosexual populations : A preliminary study. *Archives of sexual behaviour*. 11(4), 329-344.
- Smith, YLS Van Goozen, Kniper , AJ, Choen Kettenis (2005). Transexual subtypes: Clinical and theoretical significance. *Psychiatric Research*. 137, pages 151-160.
- Steve Hogan dan Lee Hudson. (1998). *Completely Queer : The Gay and Lesbian Encyclopedia*. New York : Henry Holt, 1998
- Yin, Robert. (2008). *Qualitative case study research : Design and methods*. United States. Sage Publications.